

# Serbski institut Sorbisches Institut

**Medijowe wozjewjenje 12.07.2018.**

## **Kónc tydźenja zahaji so 21. mjezynarodny lětni kurs za serbsku rěč a kulturu w Budyšinje**

Serbski institut přewjedže wot 13.7. do 28.7. 2018 w Budyšinje lětni kurs za serbsku rěč a kulturu. Přizjewiło je so 47 zajimcow z 13 krajow. Najwjetši zajim budži poskitk wočiwidnje w Českej, zwotkalž pochadza – mjez druhim na iniciatiwu tamnišeho Towarstwa přečelow Serbow – 15 wobdźělnikow. Najdlěši puć do Łužicy drje změja tři Američenjo a Japančan. Kurs, kotryž poskičuje so kóžde druhe lěto, wobsahuje nimo wšednjeje wučby w pjeć skupinach a konwersacije tež wobšěrny ramikowy program z přednoškami, kulturelnymi zarjadowanjemi a ekskursijemi. Poslednje powjedu lětsa do Slepjanskeho regiona a do katolskich Serbow.

Motiw kursantow za wobdźělenje su wšelake: Někotři zaběraja so profesionelnje ze (słowjanskimi) rěčemi, druzy su sej swoje swójbne korjenje zaso wuwědomili abo su sej serbsku přečelku namakali.

Za zarjadowarja je kurs šansa zdobyć wědomostny dorost za sorabistiske slědjenje. Bjez někotrych něhdyšich wobdźělnikow kursa móžeš sej wšedny dzeń we Łužicy lědma hišće předstajić. Woni njesu jenož kompetentni sobudźělaćerjo w serbskich institucijach, ale wuwučuja tež zwonka Łužicy na uniwersitach po wšěm swěće. Tak šěrja na mjezynarodnej runinje zajim za Serbow a sorabistiku.

Hinak hač w předchadźacych kursach móžachu lětsa třom zajimcam stipendij spožčić, kotryž kryje cyłkowne kóšty kursa. Financielna podpěra je dar něhdyšeho kursanta z USA, kotryž je sam potomnik serbskich wupućowarjow. Jako stipendiatow wuzwolichu studentce z Ukrainy a Českeje, kaž tež doktoranda ze Serbiskeje.

Dalše informacije hlej

<https://www.serbski-institut.de/os/kurs/>

<https://www.serbski-institut.de/os/stawizny/>

**Kontakt:** dr. Fabiana Kaulfürsta | [fabian.kaulfuerst@serbski-institut.de](mailto:fabian.kaulfuerst@serbski-institut.de)

**Hłowne sydło** · Hauptsitz  
Dwórnišćowa 6 · Bahnhofstraße 6  
D-02625 **Budyšin** · **Bautzen**  
T +49 3591 4972-0  
F +49 3591 4972-14  
[si@serbski-institut.de](mailto:si@serbski-institut.de)  
[www.serbski-institut.de](http://www.serbski-institut.de)

**Wótnožka za dolnoserbiske slěženja**  
Zweigstelle für niedersorbische Forschungen  
Droga Augusta Bebela 82  
August-Bebel-Straße 82  
D-03046 **Chóšebuz** · **Cottbus**  
T +49 355 48576-482  
F +49 355 48576-494  
[cottbus@serbski-institut.de](mailto:cottbus@serbski-institut.de)



**Serbski Sorbisches  
institut Institut**